

PROUVÈNÇO PASSO PAS...

**Lou president dóu Counsèu regionau Prouvènço Aup Costo d'Azur
vòu metre d'aigo de mar dins lou noum dóu païs...**

Pajo 2



Prouvènço aro

Tóuti li mes, lou journau de la Prouvènço d'aro

Febríe 2010

n° 252

2,10 €

À la bello eisservo

Jan-Bernat Bouéry

A la bello eisservo...

Tout lou mounde counèis Jan-Bernat Bouéry e tout lou mounde preso soun biais d'escríure. Tout lou mound gardo en memòri « E pamens lis estiéu fuguèron bèu ». Quand nous baio un rouman, sian embarca dins l'istòri coume se fuguèsse nostro. Sa lengo claro, simplò e naturalò nous encanto e, libre acaba, i'a plus que d'espera lou que seguira...

E vaquí que lou nouvèu Bouéry vèn d'espeli! Un bèu presènt pèr coumença l'annado. Oh, aqueste cop, nous baio pas un rouman, encaro que... sa vido, que nous conto aquí, n'es bèn un de rouman !

« Quouro l'astrado vous a fa gibous, vòusu e goi, poudès encapa au tabla de la vido? E pamens chascun a soun dre à sa part de soulèu. » E sa part de soulèu l'a vougudo e l'a sachudo gagna. Malaut, endeca, amoulounavo li malur mai de tout pichot sachè faire targo e garda l'espèr. Visquè sa vido coume se de rèn noun èro. Travaïe e aproufichè meme de soun endecamen pèr rintra dins la resistènci sènso que degun faguèsse mèfi !

La vido es tambèn l'amour, l'amour que ié poutèron si gènt e l'amour d'uno gènto mouié tant voulountousò coume éu.

E pièi, fau dire encaro que tout ço que nous conto, emai li passage li mai triste, lou saup rèndre pàsi e quàsi galoi. Saup vèire toujour lou pousitiéu e utiliza lou presènt pèr se vira vers lou futur.

Sa vido se la faguè richo coume pas uno qu'avans d'èstre escrivan, èro deja musicaire e pintre, un artisto coumplèt. Un ome de courage, un ome enracina, un ome coume n'en voudrian counèisse forço.

Un libre que nous dis tambèn quaranto annado de nosto istòri e qu'aura uno presentacioun óuficialo, emé signaduro, en abriéu. N'en reparlaren au bon moumen.

Peireto Berengier

“À la bello eisservo...” de Jan-Bernat Bouéry, traducioun francesò en regard, 21x14, 500 pajo - 21 eurò (+ 4 eurò pèr lou port)

De coumanda :

Edicioun Prouvènço d'Aro, 18 Carriero de Beyrouth , 13009 Marsiho.

À la Fèsto dóu citroun



Citroun e citrounié

Dis óurigino d'aquéu fru sauprés tout, e de si bèn-fa encaro mai.

Pajo 6

Sedna la planeto

L'óujèt tant gros dins lou cèu es uno novello plane-to dóu sistème soulàri.

Pajo 7

Gaspard de Bèssò

Lou bregand de Franço èro un Prouvençau, soun tresor es toujour escoundu.

Pajo 9

77enco Fèsto dóu citroun à Mentoun

Duberturo di Jardin Biovès lou divèndre 12 de febríe pèr un "Jardin de Lumiero" à 20 ouro 30.. La Fèsto dóu citroun à Mentoun, es un evenimen unique.

Coume chascun annado, lou Festenau Internaciounau d'ourquidèio e lou saloun de l'artisanat dóu Païs Mentounesc acoumpagnaran la Fèsto dóu citroun au Palais de l'Éuropo à Mentoun.

À l'óucasioun de la 77enco fèsto dóu citroun , Mentoun fai soun cinema e celèbro lou 7enc art !

20 jour de tèms, Mentoun vous enmeno dins li coulisso dóu cinema, vous desvèlo li platèu de tournage, vous fai revieure li sceno li mai mitico !

20 jour de tèms, Mentoun desplego lou tapis rouge e vous counvido à mounta li marchò pèr vieure intensamen e passiouamen uno fèsto acidulado di moumen magi, dis istant feeri...

Prougramo

Espousicioun d'agrumè dóu dissate 13 de febríe au dimècre 3 de mars 2010

Coursò di fru d'or: li dimenche 14 e 21 de febríe, emai 28 de febríe à 14 ouro 30

Coursò de niue: li dijòu 18 e 25 de febríe 2010 à 20 ouro 30 segui d'un fiò d'artifice

Jardin de lumiero: li divèndre 12, dimars 16 , divèndre 19, dimars 23 e divèndre 26 de febríe 2010